

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 177. sjednici, održanoj dana 05.02.2019. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu po prijedlogu Kluba vijećnika DF Vareš pod rednim brojem 13. od 05.12.2018. godine za Program rada Skupštine Zeničko-dobojskog kantona za 2019. godinu i čini sastavni dio ovog Zaključka.

II.

Zaključak stupa na snagu danom donošenja.

Broj: 02-_____/19.
Datum, 05.02.2019. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Stručna služba Skupštine,
1x a/a.



Broj: 05-1-34-15965-2/18
Zenica, 28.01.2019. godine

Stručna služba Vlade Zeničko-dobojskog kantona je aktom broj: 02-1-34-15965-17/18 od 14.12.2018. godine, zatražila od Ministarstva za poljoprivredu, šumarstvo i vodoprivredu da iz svoje nadležnosti pripremi akt za sjednicu Vlade o prijedlozima Općinskog načelnika, Općinskog vijeća i Kluba vijećnika DF u Općinskom vijeću općine Vareš za Program rada Skupštine Zeničko-dobojskog kantona za 2019. godinu, o čemu Ministarstvo za poljoprivredu, šumarstvo i vodoprivredu daje slijedeće:

MIŠLJENJE

U vezi sa prijedlogom Kluba vijećnika DF u Općinskom vijeću općine Vareš iz tačke 13. koja glasi: „*Poljoprivrednicima ZE-DO kantona obezbijediti potrebna sredstva za rad i kvalitetene poticaje. Jeftinijim kreditnim sredstvima poticati razvoj i izgradnju prerađivačkih pogona za poljoprivredne proizvode i zaštititi pčele i pčelare kao prvu kariku u lancu poljoprivredne proizvodnje*“,

dostavljam slijedeće mišljenje:

Ministarstvo za poljoprivredu, šumarstvo i vodoprivredu Zeničko-dobojskog kantona planira i provodi aktivnosti razvoja i poticanja poljoprivredne proizvodnje koje su sadržane u godišnjim programima koje početkom svake budžetske godine donosi Vlada Zeničko-dobojskog kantona, na prijedlog Ministarstva. Osnov za izradu tih programa leži u raspoloživim pokazateljima dosadašnje poljoprivredne proizvodnje i iskustvu kao i strateškim opredjeljenjima. Programima se precizno planiraju vrste poljoprivrednih proizvodnji koje se potiču, način i iznos sredstava za svaku vrstu poticaja. Izradi programa prethode analize rezultata prethodne godine i sublimiranje težnji i ciljeva poljoprivrednih proizvođača iskazanih kroz konsultacije i sastanke sa predstavnicima udruženja poljoprivrednih proizvođača sa područja Zeničko-dobojskog kantona, najaktivnije sa Kantonalnim udruženjem poljoprivrednih proizvođača kao asocijacijom najvećeg broja općinskih udruženja. Dosadašnja praksa je dala zadovoljavajuće rezultate te u tom smislu smatramo da se navedeni prijedlozi pokušaju artikulirati prije svega putem udruženja poljoprivrednih proizvođača iz općine Vareš ili nekih drugih koji mogu zastupati njihove interese kod nadležnih organa.

Ministarstvo će prilikom izrade Programa za 2019.godinu voditi računa o regionalnoj zastupljenosti i naći način da rubne opštine Kantona koje ne mogu značajnije učestvovati u ostvarivanju poljoprivrednih poticaja, mogu aplicirati sa određenim projektima vezanim za razvoj poljoprivredne proizvodnje u tim lokalnim zajednicama i tako donekle ublažiti postojeći nesklad.

Segment pčelarstva je već obuhvaćen poticajima kroz dodjelu sredstava za projekte razvoja pčelarstva kao i subvencije u finansiranju obaveznih mjera zdravstvene zaštite pčela. Namjera je nastaviti započeto, očekuje se aktivna saradnja udruženja pčelara kao osnovni preduslov za dalje.

Obrađivač akta:

Suljo Kartal

MINISTAR

Himzo Smajić